

**Qasigiannugit Aasiaallu akornanni erngup nukiganik nukissiorfiliorsinnaanissaq anguniarlugu aalajangiinissamut tunngavigisassamik Naalackersuisut UKA19 nallertinnagu saqqummiusseqqullugit peqquneqarnissaannik Inatsisartut aalajangiiffigisassaattut siunnersuut. Aalajangiinissamut tunngavissaliornermi ilanngullugu erngup nukiganik nukissiorfiliassap qanittuaniittut illoqarfiit nunaqarfiillu sorliit ilanngunneqarsinnaanissaat naliliiffigineqarsimassaaq taavalu nukissiutinut ataavartunut assigiinngitsunut Igaliko-mi misilittanermi paasisat atorneqarsinnaanersut ilanngullugit nassiuuasiuunneqassallutik.**

(Inatsisartunut ilaasortaq Aqqa Samuelson, Inuit Ataqatigiit)

### **Akissuteqaat**

(Inuussutissarsiornermut Nukissiuuteqarnermullu Naalackersuisoq)

### **Siullermeerneqarnera**

Naalackersuisut sinnerlugit Inatsisartunut ilaasortaq Aqqa Samuelson, Inuit Ataqatigiit, Aasianni aamma Qasigiannugani erngup nukiganik pilersuineramik pilersitsisinnaaneq pillugu aalajangiiffigisassatut siunnersuuteqarneranut qutsavigaara.

Nukissiamik imermillu pisortanit pilersuineramik ingerlalluartumik pilersitsisarnissaq Naalackersuisut nukissiornermut politikkianni ilaavoq pingaaruteqartoq. Ilanngullugu nukissiap Kalaallit Nunaanni tunisassiarineqartup avatangiisinut mingutsitsinngitsuunissaa aammalu tamanut, soorlu innuttaasunut, inuussutissarsiortunut pisortanullu aningaasaqarnikkut iluaqutaanissaa, pingaaruteqarpoq.

Taamaattumik Nukissiamik Imermillu pilersuinermut suliassaqarfimmut pilersaarut annertoq anguniagaqarfiusorlu 2030 tikillugu atuuttussaq, Naalackersuisut akueraat. Suliassaqarfimmut pilersaarut pingasunik pingaarnernik siunnerfeqarpoq: 1. Innaallagiamut imermullu akigititat appasinnerusut, 2. Ajornartinnagu tamaginni nukissiap mingutsitsinngitsoq aamma 3. Nukissiornermut suliassaqarfiup nutarterneqarnissaa. Anguniakkani pingaarnerni, 2030 tikillugu Naalackersuisut anguniagassaat, anguniakkat aalajangersimasut 35-iupput.

Anguniakkat aalajangersimasut taakkua ilaat, Aasianni aamma Qasigiannugani erngup nukiganik pilersuineramik pilersitsinissaq pillugu aalajangiinissamut tunngavissanik suliaqarnissamut tunngassuteqarpoq.

Taamaattumik Aasianni aamma Qasigiannugani pilersuinissamut erngup nukiganik pilersitsinissamut periarfissanik misissuineq kiisalu seqernup anorillu nukiganik pilersitsinissamut periarfissanik nalilersuineq maannakkorpiat ingerlanneqarput. Tassunga atatillugu teknikkikkut, aningaasaqarnikkut kiisalu inuiaqatigiit aningaasaqarneranni

sunniutaasussat misissorneqarput, taamaalilluni sapinngisamik pitsaanerpaamik aalajangiisoqarsinnaassalluni. Misissuinerit 2019-imi ukiup affaani siullermi naammassissasut naatsorsuutigaat. Ilanngullugu misissuinerit ilaatinneqarpoq serngup nukinganik anorisaatinillu nukissiuuteqartoqarsinnaanera. Matumani erngup nukinganik nukissiuuteqarnikkut pilersuisinnaanermut periarfissatut imaluunniit uummassusilinnik tunngaveqartunik ikummatissanik atuiunnaarnissamut atorineqassanersut nalilersorneqassalluni.

Erngup nukinganik nukissiorfeqalissappat, taanna Aasianni aamma Qasigiannuani pisortanit pilersuinerit taamaallaat atorineqassaaq. Suliffissuarnut nukissiamik annertuumik atuisunut pilersuinissamut, assersuutigalugu paasissutissanut sullissiviit, erngup nukinganik nukissiorfiit allarluinnarmik angissuseqartut pisariaqarput.

Erngup nukinganik Aasianni Qasigiannuani Maniitsumilu, Paamiuni kiisalu Nanortalimmi nukissiorfeqalersinnaaneq misissuiffiqineqarnerisa saniatigut, erngup nukinganik anorisaateqalersinnaaneq seqerngullu nukinganik najugaqarfiusuni tamani piukkunnaateqartoqarnerisooq, ukiuni tulluuttuni sisamani paasissutissanik katersisoqassaaq.

Taakkununga tunngatillugu Sisimiuni anorisaatinik misiligutinik assigiinngitsunik ikkussuisoqarsimavoq. Misileraanerillu nalilersuiffiqineqassapput, anorisaatit sorliit nunatsinni atussallugit tulluarnepaanersut.

Naalackersuisut ukiup affaata siulliup iluani aalajagiinissamut tunngavissamik suliaqarneq Aasianni Qasigiannuanilu imermik nukissiuuteqarnermi pilersuinissaq pillugu naammassissavaat, kingorna anorisaatinik seqinermillu nukissiuuteqarneq periarfissaasinnaanera ilanngunneqassalluni, Naalackersuisut inassutigisinnaavaat siunnersuut itigartinneqassasoq.